

## МЕСЯЦА НОЕМВРИЯ В 15-Й ДЕНЬ.

СВЯТЫХ МУЧЕНИК И ИСПОВЕДНИК ГУРИЯ, САМОНА И АВИВА

Аллилуия (устав зри день сей ниже)

На Господи, воззвах: стихиры, глас 4.

Подобен: Дал еси знамение:

**А**вив всемудрый, \* и Самон чудный, \* и Гурий славный, \* общий составивше верным лик, \* в радости ныне сликовствуют нам страсотерпцы и свеселятся, \* душам бо мученическим от Бога сие дадеса, \* zde бываемая разумно зрети.

**Б**олезни претерпевше нестерпимых мук \* и доблественно пострадавше, \* Троицы равночисленнии, \* Самоне, и Авиве, и Гурие Богомудре, \* вечнаго и краснаго насыщаетеся ныне наслаждения \* трудов воздаяние возмеряюще вам Христу, \* Егоже тепле молити \* спастися душам нашим.

**К**о пристанищу неволненному, \* и к жизни немятежней, \* и затишню благоутишному, \* страсотерпцы мученицы, \* приставше превечнующему безстрастнаго пребывания, \* и долнее ныне измените, \* трудов воздаяния и болезней почести от Бога приимше \* достойне, блаженнии.

Ины стихиры Богородицы.

Глас и подобен тойже.

Аще ли Аллилуия, поем сии стихиры прежде:

**О**дожди мне, Владычице, Твоя милости бездну \* и опальшееся зном страстей сердце мое, \* яко милостива, напой, Отроковице, \* и умиления капли точити непрестанно сотвори, молюся, \* имиже утешения сподоблюся, Чистая, \* еже получитьи имут иже искренно плакавшиися.

**Д**емонскими колеблема прилоги \* и в ров погибели реема, \* ущедрн, Владычице, \* и утверди мя на камени добродетелей, \* и, советы врагов разоривши, \* сподоби мя творити повеления Твоего Сына и Бога нашего, \* яко да получу оставление в день Суда.

**С**кверну отмый окаяннаго сердца моего, \* Богородице Всепетая, \* и вся узвления, и гноения, яже от греха, очисти, Чистая, \* и ума моего утиши нестояние, \* яко да силу Твою и великое защищение \* величаю страстный и неключимый раб Твой.

Слава, и ныне, Богородичен:

**С**лабость и уныние, \* Дево Мати Всенепорочная, \* души моя преложи в здравие и силу, \* страхом и любовию \* творити же и деяти оправдания Христова; \* яко да избегну огня нестерпимаго \* и жребий Небесный, и жизнь непреходную \* Тобою восприиму, веселяся всегда.

Аще в среду или в пяток, Крестобогородичен.

Подобен: Яко добля:

**Р**аспинаема Христа Человеколюбца видящи, Пречистая, \* и ребра ископоваема копием, \* плачуци, вопияше: \* что сие, Сыне Мой? \* что Ти безблагодатнии людие воздаша, \* за яже сотворил еси добрая им? \* и тщишия безчадствовати Мя, Вселюбезнейший. \* Удивляюся, Благоутробне, Твоему вольному распятию.

Аще ли Бог Господь: Слава, глас 2.

Самогласен:

Едес веселится, \* яко ракою святых обогатися, \* Гурия, Самона и Авива, \* и, христоролюбивую паству созывая, вопиет: \* приидите, мучениколюбцы, \* просветитесь в памяти светлей; \* приидите убо, празднолюбцы, возвеселитесь; \* приидите и видите светила Небесная, \* на земли жительствовавшия; \* приидите и услышите, \* какову смерть горькую доблии адаманты подъяша, \* безконечныя ради жизни. \* Темже, поручницы суще истины, \* девицу спасоша, живу во гроб ввержену, \* и тех небрежнаго всесквернаго пагубе предаша, \* яко убийцу и немилостивна. \* И прилежно молят Святую Троицу \* избавитися от тли, и искушений, и всяческих бед \* верою творящим память их.

И ныне, Богородичен.

На стиховне Октоиха.

Слава, глас 2. Самогласен:

Приидите, мучениколюбцы вси, \* Христовы оружники песньми почтим, \* Гурия, и Авива, и Самона, \* яко преславно действуют чудеса; \* клятвы бо не презреша представити отроковицу, \* но, исполняюще прошение, девицу спасоша, \* пребеззаконному готфину мщение сотворивше. \* Тех молитвами, Христе Боже, спаси ны, \* яко Благ и Человеколюбец.

И ныне, Богородичен.

Тропарь, глас 5:

Чудеса святых Твоих мученик \* стену небориму, нам даровавый, Христе Боже, \* тех молитвами советы языков разори, \* Церковь святую укрепи, \* яко един Благ и Человеколюбец.

## НА УТРЕНИ

Оба канона Октоиха и святых канон на 4, егоже краегранесие: Три, купно глаголюция, хвалю премудренно. Творение Феофаново. Глас 4.

### Песнь 1

**Ирмос:** Моря чермную пучину \* невлажными стопами \* древний пешествовав Израиль, \* крестообразными Моисеовыми руками \* Амаликову силу в пустыни победил есть.

Троицы единачалие, святии, Богословяще честно, многоначалия нестоянную мглу удобно разрушите, востока, многосветлии, якоже звезды возсиявше.

Три е исповедницы, благодатию просвещаеми Начальныя Троицы явственню, леть многобожную, терпеливню противление являюще, истребиша.

Вас, убо сыноположив, славнии, любовию Естественный Сын, ныне Ему наследию, даему яве, яко Благоутробен снаследники показа и Царствия сопричастники.

**Богородичен:** Мудрости премудростныя скиния была еси, Всенепорочная, Свой бо храм от Твоих пречистых кровей, Чистая, создати благоволи на спасение душ наших.

### Песнь 3

**Ирмос:** Веселится о Тебе Церковь Твоя, Христе, зовущи: \* Ты моя крепость, Господи, \* и прибежище, и утверждение.

Тело мукам волею и лютым ранам Христовы предаша исповедницы и угодницы.

Избавитися от лютых греховных помысл, святии, вапу память верою совершающим умолите.

На древе терпеливню воздвижени, честнии свидетелие всеблагочестно невредно исповедание соблюдоша.

**Богородичен:** Целений Тя источник в Твою утробу Вшедый показа, Мати Божия, Пречистая, мою убо душу исцели.

Седален, глас 8.

Подобен: Премудрости:

Крестом вооружившися Христовым, \* в нем мучителей всю крепость мужески низложиште, яко веры поборницы; \* безбожие все идольское обличисте \* и Троицу, святии, усердно проповедавше. \* Тем достойно от Нея венцы победы приясте, яко законно пострадавше, \* стратотерпцы всеславнии, \* молите Христа Бога грехов оставление подати \* празднующим любовию святую память вапу.

Слава, ин, глас 8. Подобен тойже:

Христу поработавше мученически, \* поработисте леть мучительскую, \* непоработенну имущу душу и мудрость, \* ибо Троичною верою уязвившися, прехвальнии, \* многобожия славу неславную обличисте. \* Тем, яко звезды, светло в мире блистанием сияете чудес, блаженнии. \* Стратотерпцы всехвальнии, \* молите Христа Бога грехов оставление подати \* чтущим любовию святую память вапу.

И ныне, Богородичен:

Яко Деву и едину в женах, Тя, без семене рождшую Бога плотию, \* вси ублажаем, роди человечестии: \* огнь бо вселися в Тя Божества, \* и яко Младенца

доиши Зиждителя и Господа. \* Тем Ангельский и человеческий род достойно славим пресвятое Рождество Твое \* и согласно вопием Ти: \* моли Христа Бога согрешений оставление даровати \* поклоняющимся верою пресвятому Рождеству Твоему.

#### Крестобогородичен:

Агнца, и Пастыря, и Избавителя, Агница, зрящи на Кресте, \* восклицаше, плачущи, и, горько рыдающе, вопияше: \* мир убо радуется, приемля Тобою избавление, \* утроба же Моя горит, зрящи Твое распятие, \* еже терпиши за милосердие милости, \* Долготерпеливе Господи, милости бездно и источниче неисчерпаемый, \* умилосердися и даруй согрешений оставление \* верою поющим Божественныя страсти Твоя.

#### Песнь 4

**Ирмос:** Вознесена Тя видевши Церковь на Кресте, \* Солнце праведное, \* став чине своем, \* достойно зывающе: \* слава силе Твоей, Господи.

Троицы равночисленнии венчницы трисиянную свещею ныне совершающия память всесвященную тех озаряют, всем исцеления подающе.

С благоговением притецем к светоносней и светозарней, Богомудрии, раце мученик, точит бо врачевания верою зовущим: слава силе Твоей, Господи.

Исповедающе Божественное строение и паче ума таинство, Богословными языки все безбожие мучителей Божественнии и всемудрии исповедницы попраша.

**Богородичен:** Паче ума родила еси, о Дево! и по рождестве явилася еси, девствующи паки. Тем немолчными гласы, радуйся, Тебе, Владычице, верою несомненною вопием.

#### Песнь 5

**Ирмос:** Ты, Господи, мой свет, \* в мир пришел еси, \* Свет Святыи, обращаи из мрачна неведения \* верою воспевающия Тя.

Светлостию яве подвигов сияюще, посрамиша мучителей свирепый нрав веры поборницы.

Во вся явственню вселенныя концы чудеса мученик проповедашася и вся верою утвердиша.

Якоже земля благая, благодати семена приемши, житием трудолюбно богатство блаженнии содеяша.

**Богородичен:** Един Благий, пучиною благостыни всяческая, Богомати, содержи, Твоими объятии держатися сподоби.

#### Песнь 6

**Ирмос:** Пожру Ти, со гласом хваления, Господи, \* Церковь вопиет Ти, \* от бесовския крове очищися, \* ради милости от ребр Твоих \* истекшею Кровию.

Законно, яко добрии воины, Богомудрии, удержавше вся и ясно веру соблюдоше, Божественныя правды приясте венцы.

Прежде убо Аввакум висоце возвышается Владычним повелением, чрез вас же отроковица мучима, Богоглаголивии, к воспитавшей возвратися.

**С**ияет рака мученик чудеса и реки источает исцелений всем, приходящим верою и тех терпению дивящимся.

**Богородичен:** **Т**я едину посреде терния обрет, яко чистейший крин и во удолиих цвет, о Богомати, Жених умный в Тя вселися.

### Кондак, глас 2.

**Подобен:** Вышних ища:

**С** высоты, мудрии, благодать приемше, \* сущим во искушениях предстоите, всехвальнии. \* Темже отроковицу, святии, от смерти горькия избависте, \* вы бо воистинну есте Едесу слава и миру радость.

**Икос:** **В**ражия мя работы избави, Иисусе Жизнодавче, Твоих страдалец мольбами умоляемь, яко да непоработенну стяжав от страстей душу мою и тело, восхваляю тех скорейшую помощь, якоже во гробе затвореная мужа лукавством, и сию скоро предваривше, от смерти избавиша, зовущу: Едесу слава и миру радость.

### Песнь 7

**Ирмос:** **В** печи Авраамстии отроцы персидстей \* любовию благочестия паче, \* нежели пламенем, опаляеми, взываху: \* благословен еси в храме славы Твоя, Господи.

**А**враамския в печи дети избавивый, Сый и странную отроковицу лютаго обстояния спасе ходатайством ныне святых угодник, яко Благоутробен.

**С**уровейшаго безчеловечия муку давай, всех зол абие истязан убийца злоименитый судом праведным Твоим, Слове Божий, мудросте и сила.

**У**крепляема к вам надеждею, славнии, отроковица, заключенная во гробе с мертвыми, чаяния не погреси, зовущи: благословен еси, Господи Боже отец наших.

**Богородичен:** **Я**ко новосмешеное и светозарное пуцаю зерцало, Зарю Божественнаго, Дево, сияния, приложившюся Тебе, вместила еси. Благословена Ты в женах, Всенепорочная Владычице.

### Песнь 8

**Ирмос:** **Р**уце распростер Даниил, \* львов зияния в рове затче; \* огненную же силу угасиша, \* добродетелию препоясавшися, \* благочестия рачители, отроцы, взывающе: \* благословите вся дела Господня Господа.

**В**семирный днесь нам наста праздник мученик Христовых, озаряющ благодатию чудес приходящия верою и радостию духовною и любовию зовущия: благословите вся дела Господня Господа.

**У**добно исповедницы Твоего Божества все упраздниша безбожие, Владыко, мучителей не убоявшеся прещений злоумных, верою укрепляеми, взывающе: благословите вся дела Господня Господа.

**В**семудрии исповедницы, предстояще Божественному повелению, врагов полки побеждающе, мечем закалаеми, победу преславно яве и пресиящу показаша, падающе бо, противныя победиша.

**Богородичен:** **Е**стества видимаго двема, Христа родила еси, едину носяща яве Ипостась сложну Божества и человечества, стекшуся естественному истинно по соединению: тем Тя благословим, Марие Богоневестная.

### Песнь 9

**Ирмос:** Камень нерукосечный \* от несекомья горы, Тебе, Дево, \* краугольный отсечся, \* Христос, совокупивый разстоящаяся естества, \* Тем, веселящаяся, Тя, Богородице, величаем.

Словесем последующе Божественным и Богодухновенным Христовым, исповедницы Богосветлии, крест на рамена, радующаяся, взяте, жизненосным стопам последующе, достославнии.

Всему свету Троицы с веселием доблии исповедницы вмещаяся, подвигов чести воспринимают, Безплотных чинов сподобльшаяся соводворения.

Ныне не в зеркале зрите блаженных надежды, исповедницы Спасовы; истины же паче, всемудрии, доброту зрите, венценосцы всечестнии.

Яко Пребожественныя Троицы яве равночисленнии явльшаяся исповедницы, Богоглаголивии, Тоя зарями просвещаетеся, яко Тоя ради пострадавшие, Жизни нетленныя ныне уллучиша.

**Богородичен:** Плотию приити восхотев, украсивый вся, Слово в Тя вселися, Едину святейшу всех обрет, и Богородицу воистинну яви, Мати Дево.

**Светилен:**

**Подобен:** Небо звездами:

Иже от гроба отроковицу избавльше древле, \* Гурие, и Самоне, и Авиве, \* мученицы Христовы, предварите, \* яко от гроба прегрешений ны избавляюще.

**Богородичен:** Крепким Твоим покровом от навет вражиих ны, Чистая, \* Твоя рабы, сохрани невредимы, \* Тя бо стяжахом Едину прибежище в бедах.

## НА ЛИТУРГИИ

Прокимен, глас 4: Святым, иже суть на земли Его, \* удиви Господь вся хотения Своя в них.

Стих: Предзрех Господа предо мною выну, яко одесную мене есть, да не подвижуся.

Апостол ко Ефесеом, зачало 233.

**Б**ратие, возмогайте о Господе и в державе крепости Его, облещитесь во вся оружия Божия, яко возмощи вам стати противу кознем диавольским, яко несть наша брань к крови и плоти, но к началом и ко властем и к миродержителем тмы века сего, к духовом злобы поднебесным. Сего ради приимите вся оружия Божия, да возможете противитися в день лют и вся содеявшие стати. Станите убо препоясани чресла ваша истиною, и оболкшесь в броня правды, и обувше нозе во уготовление благовествования мира, над всеми же восприимше щит веры, в немже возможете вся стрелы лукаваго разжженныя угасити. И шлем спасения восприимите, и мечь духовный, иже есть Глагол Божий.

Аллилуя, глас 4: Воззваша праведнии, и Господь услыша их, и от всех скорбей их избави их.

Стих: Многи скорби праведным, и от всех их избавит я Господь.

Евангелие от Луки, зачало 64:

**Р**ече Господь: всяк, иже аще исповесть Мя пред человеки, и Сын Человеческий исповесть его пред Ангелы Божиими, а отвергийся Мене пред человеки отвержен будет пред Ангелы Божиими. И всяк иже речет слово на Сына Человеческаго, оставится ему, а на Святаго Духа хулившему не оставится. Егда же приведут вы на соборища и власти и владычества, не пецытесь, како или что отвещаете, или что речете, Святыи бо Дух научит вы в той час, яже подобает рещи.

Причастен: Радуйтеся, праведнии, о Господе:

\* \* \*

Вестно буди, яко аще случится начало поста сего в субботу, в пяток вечера, на **Г**осподи, возвах: стихиры святых на 6. Аще ли в неделю, стихиры прежде Октоиха и святых, 3. Слава, святых. И ныне, Богородичен. На стиховне Октоиха. Слава, святых. И ныне, Богородичен. Вечер и на утрени, на **Б**ог Господь: тропарь святых. Слава, и ныне, Богородичен.

В прочия же дни от понедельника до пятка поем аллилуия: почести ради начала святаго поста.

На **Г**осподи, возвах: поем стихиры прежде Богородицы 3 и святых 3. Слава, и ныне, Богородичен или Крестобогородичен. Вместо прокимна поем аллилуия: на глас 6-й. На стиховне Октоиха. Слава, и ныне, Богородичен или Крестобогородичен. На утрени вместо **Б**ог Господь: поем аллилуия: и троичны; а по 6-й песни кондак святых.

## Мученики и исповедники Гурий, Самон († 304–306) и Авив († 322).

**В** начале IV века в окрестностях города Эдессы (Македония) были известны своей строгой подвижнической жизнью два друга-христианина Гурий и Самон, проповедники Слова Божия. Несмотря на воздвигнутое императором Диоклитианом (284–305) гонение на христиан, они продолжали благовестие истинной веры среди язычников, обращая их ко Христу примером своей глубокодуховной и добродетельной жизни. Приходящих к ним собратий по вере Гурий и Самон назидали и укрепляли в твердом исповедании Господа Иисуса Христа. Узнав об этом, наместник Эдессы Антонин подверг их пыткам, а затем потребовал отречься от Христа и принести жертву языческому божеству Дио (Юпитеру).

«**Мы** никогда не откажемся от святой и непорочной нашей веры, памятуя слова Спасителя: «Всякого, кто исповедает Меня пред людьми, того исповедаю и Я пред Отцем Моим Небесным; а кто отречется от Меня пред людьми, отрекусь от того и Я пред Отцем Моим Небесным» (Мф. 10:32–33),– ответили ему святые Гурий и Самон. Антонин приказал бросить их в темницу.

**В** то время в Эдессу прибыл присланный императором для усиления преследований христиан правитель области Музоний. В ответ на его угрозы предать их смерти, святые Гурий и Самон сказали: «Мы более боимся вечных мучений, нежели тех, какие ты перечислил... Если внешний наш человек и тлеет, то внутренний со дня на день обновляется» (2Кор 4:16).»

**Музоний** велел подвесить святых за руки, привязав к их ногам тяжелые камни. В таком положении они терпеливо висели несколько часов, после чего были заключены в темницу. В темнице святые Гурий и Самон пробыли с 1 августа по 9 ноября, мучимые голодом, жаждой и невозможностью передвигаться (ноги их были забиты в деревянные колодки). Когда святых по прошествии трех с лишним месяцев привели к правителю, они вновь непоколебимо исповедали веру Христову. Святой Гурий, уже совершенно обессилевший, едва живой, был сразу же возвращен в темницу. Святой Самон, физически более выносливый, подвергся прежней пытке: семь часов его держали подвешенным, после чего отнесли в темницу (он не мог идти и даже стоять, так как коленные суставы оказались повреждены).

**15** ноября (304 или 306 г.), когда едва начинало рассветать и жители Эдессы еще спали, святые мученики Гурий и Самон были доставлены к правителю Музонию. Музоний в последний раз предложил им жизнь ценой вероотступничества.

«... **Д**овольно для нас и минувшего времени, в которое мы насмотрелись на дневной потухающий свет; души наши желают теперь перейти к немерцаемому дню»,– ответили ему мученики.

**По** распоряжению Музония их отвезли далеко за город и обезглавили. Святые мощи мучеников Гурия и Самона были взяты и с честью погребены христианами.

**Через** несколько лет император Ликиний (307–324) вновь воздвиг гонение на христиан. В то время в Эдессе жил проповедник диакон Авив, родом из села Фелсея. Градоначальник Эдессы Лисаний, сообщив Ликинию, что диакон Авив «наполнил весь город христианским учением», получил приказ расправиться с ним. Когда воины искали святого Авива, он сам вышел к их военачальнику Феотекну и добровольно отдался в руки стражников. Приведенный к Лисанию, диакон Авив отказался поклониться языческим идолам. Его подвесили и стали строгать кожу

железными когтями, после чего осудили на сожжение. К месту казни за святым Авивом следовали мать, родные и близкие. Преподав им последнее целование, святой Авив вошел в огонь и принял мученическую кончину († 322). Тело святого Авива чудесным образом осталось неопаленным. Его мученичество также совершилось 15 ноября, почему святые мощи его были взяты и погребены при гробе пострадавших прежде святых мучеников Гурия и Самона.

**В**последствии христиане возвели на этом месте церковь во имя трех святых мучеников и положили их мощи в одной гробнице. Они были прославлены чудесными знаменами и исцелениями. Особенно известно чудесное заступничество святых, оказанное благочестивой девушке Евфимии.

**Н**екий воин-гот, оказавшийся в Эдессе во время похода, взял Евфимию в жены, дав у гробницы святых ложную клятву, что он неженат. Много страданий и унижений пришлось испытать Евфимии на родине гота, где он отдал ее в рабство своей прежней жене. Впоследствии, по молитвам Евфимии к трем святым мученикам Гурию, Самону и Авиву, она была избавлена от смерти и чудесно перенесена в Эдессу, а гот-клятвопреступник и злодей понес заслуженное возмездие. Прославляя святых мучеников в акафисте, Церковь Христова обращается к ним: «Радуйтесь, Гурие, Самоне и Авиве, честного брака Небеснии покровители».

**С**вятые мученики Гурий, Самон и Авив издавна почитались на Руси, как покровители семейной жизни, а также как обличители всякого нечестия.